

PROFILE **(Diretór, Adjunto no** **Koordenador/a JSMP nian)**



Luis de Oliveira Sampaio
Diretór Ezekutivu JSMP

Durante 1999, Luis de Oliveira Sampaio servisu hanesan voluntariu iha Asosiasaun HAK, ne'ebé hanesan organizaasaun Direitu Umanus, hodi fo assistensia ba refujiadus iha Timor. Nia remata nia estudu iha Faculdade Direitu iha Medan, Sumatra Utara-Indonesia, iha 2002.

Iha 2003-2005 nia servisu hamutuk ho ONG Fokupers hanesan advogado. Nia papel mak fo assistensia legal ba vítima feto no labarik sira husi violénsia bazeia ba jéneru. Iha Abril 2005 Sampaio servisu hamutuk ho JSMP hanesan koordenador iha Unidade Apoiu ba Vítima feto ka VSS-ne'ebé agora transforma ona ba organizaasaun Independe ho naran ALFeLa. Nia hetan fiar no assume kargu Diretór Ezekutivu JSMP iha Marsu 2009 no to ohin loron.



Casimiro dos Santos
Adjunto
Diretór/Program
Manager

Casimiro dos Santos, moris iha Luro - Barikafa, Distritu Lospalos iha 08 Abril 1976. Durante okupasaun Indonézia, nia kontinua nia estudu iha Universidade Jember, Jawa Timur-Indonézia. Nia fila fali mai Timor iha 1999 no servisu iha UNTAET hanesan assistente eleitóral/tradutór durante referendum. Depois nia hala'o kna'ar foun hanesan assistensia investigasaun no intelezensia iha Lospalos. Iha Lospalos nia ativu involve programa joventude nian. Nia assume kna'ar

hanesan Sekretariu Jerál ba organizaasaun Joventude iha Distritu Lospalos. Nia mos *Co-Evaluator* ba projeitu agrikultura nian, ne'ebé finansia husi AUSAID antes muda ka transefere ba Unidade Crima Sériu/*Serius Crime Unit* iha 2002.

Depois ne'e nia rejista iha Universidade Dili (Agora UNPAZ) estuda iha Relasaun Internasionál. Depois ne'e nia muda hodi servisu hamutuk Advocate Sans Fronteiras hanesan assistensia administrasaun.

Iha 2004 nia servisu iha JSMP hanesan Peskizador Juridiku no depois assume kargu hanesan Koordenador iha Unidade Peskizador Juridiku iha 2006. Iha 2007 too agora nia assume pozisaun hanesan Adjunto Diretór iha JSMP. Nia mos agora dadaun dosente iha Universidade da Paz iha Departementu Relasaun Internasionál.

Nia atende dala barak ona eventu internasionál sira, hanesan Konferensia, Seminar no workshop. Nia atende konferensia internasionál primeíru kona-ba Justisa Transisional iha postu konfliktu sosiedade, ne'ebé organiza husi ICTJ iha Inglátera, Wilton Park. Nia partisipa iha workshop primeíru kona-ba Instituisaun Nasionál Direitu Umanus ne'ebé organiza husi FORUM ASIA iha Bangkok.

Iha 2009 nia apresenta materia kona-ba Panel Especial ba Krime Sériu: Progresu no dezafius iha seminar ne'ebé hala'o iha Cambodia. Nia mos atende konferensia Forum Asia Pasifik iha Sidney-Australia (2009). Iha 2010 nia partisipa workshop kona-ba Justisa Transisional iha Bali-Indonézia. Iha 2011 nia apresenta materia ida kona-ba Sistema Judisial iha Timor Leste: Progresu no Dezafius. Material nia hato'o iha semináriu ne'ebé organiza husi 18 Maiu Fundasaun Memorial iha Korea de

Sul, participa Konferensia kona-ba International Criminal Court no workshop kona-ba ICC iha Sydney. Aliende, nia mos atende treinamentu kona-ba Direitus Umanus, Seguransa no Pas iha Swedia no Kambodia.



Ana Paula Marçal
Koordenadora LRU

Moris iha Same-Manufahi, 18 Agostu 1981. Ana mak lidera no maneja atividade LRU nian. Ne'e inklui halo monitorizasaun iha tribunál sira, analiza legal, produs relatóriu no advokasia hodi reforma sistema judisiáriu Timor Leste. Nia simu gradusaun iha Faculdade de Direitu iha Indonesia-Universida Cendana Kupang. Iha tinan 2010 servisu iha Asosiasaun HAK hanesan Staf ba Asuntu Feto. no iha tinan 2011 komesa servisu iha JSMP hanesan Peskizador Juridiku no iha tinan 2014 asume kargu hanesan koordenadora iha Unidade Peskizador Jurídiku iha JSMP ate agora.



Flora Soriano Menezes
Koordenadora
Unidade Justisa
ba Feto (WJU)

Moris iha Hatolia, Ermera iha 15 Abril 1980, Iha 1998 estuda iha Universidade Katolik Widya Mandira Kupang, Indonesia (Timor Osidental) no remata estudu iha tinan 2003.

Iha tinan 2006 nia fila mai Timor Leste no servisu iha LBH Biankara hanesan advogada, durante tinan ida ho balu iha Distritu Suai. Iha 2007 servisu iha JSMP hanesan WJU legal researcher, nia servisu inklui halo monitorizasaun ba kazu violénsia bázeia ba jéneru, iha tribunál distrital hot-hotu. Nia fo treinamentu ba lider comunidade feto, hakerek komunikadu imprensa no aktualizasaun justisa. Iha tinan 2010 hetan fiar hodi asumi pozisaun hanesan koordenadora ba Unidade Justisa ba feto (WJU) to agora.



Jose Maria Moniz
Koordenador Relasaun
Públiku

Moris iha Camanasa, Suai-Covalima iha 09 Dezembru 1979.

Iha tinan 2002 estuda iha Universidade Dili (agora UNPAZ), iha relasaun Internasionál no remata estudu iha 08 Janeiro 2010. Iha tinan 2006 servisu iha JSMP hanesan voluntariu no depois iha Novembru 2006 servisu ho JSMP hanesan Official Media. Iha 2007 hetan fiar hodi asumi posisaun hanesan koordenador Interinu no depois hetan fiar hodi tuur iha pozisaun hanesan

koordinador iha Unidade Relasaun Públiku too ohin loron.



**Zeferino da Costa
Bobo
Koordenador
Peskizador Juridiku
Programa
Observasaun**

Parlamentu (POP)

Moris iha Bihala Oe-Cussi iha 27 Agostu 1977. Bobo remata estudu direitu iha Universidade UNPAZ iha 08 Janeiru 2010. Bobo iha esperiansia servisu iha area jurnalismu durante tinan 10 resin ona. Nia eleitu husi Parlamentu Nasional iha 22 Marsu 2011 nu'udar Membru Konsello Opiniaun ba RTTL,ep.

Iha tinan 2010 servisu iha JSMP hanesan perkizador legal iha Projeitu Observaaun Parlamentar (POP). Iha inisiu 2013 Bobo promovidu ba Koordenador POP. Nia esperensia iha area jurnalismu durante 10 resin, hahu husi 1999 to'o 2010, hanesan apresentador no jornalista iha Radio TelevizaunTimor Leste (RTTL) 2004-2010, Suara Timor Lorosa'e (STL) 2002-2003, Diariu Tempo (agora Tempo Semanal) Kadalak, Vox populi, TOLAS FFSO Oe-Cussi 1999-2001.